

Irano petas EU kunordigi kun Usono por repreni la nuklean interkonsenton



Teherano, feb 2 (RHK) La ministro pri eksteraj aferoj de Irano, Mohamad Yavad Zarif, esprimis ke la altnivela reprezentanto de la Eŝropa Unio por eksteraj aferoj kaj sekurec-politiko, Josep Borrell, povus “kunordigi la regulojn adoptotajn” de Vaŝingtono kaj Teherano por solvi la diplomatian konfrontiĝon pri kiu devas doni la unuan paŝon kaj tiel solvi la kondiĉojn de la nuklea interkonsento de 2015.

En intervjuo kun la prezentisto de CNN Christiane Amanpour, Zarif proponis Eŝropon kiel peranton, ĉar li kredas ke ŝi disponas je bona mekaniso por “sinkronigi aŭ kunordigi tion, kion oni povas fari” por garanti la plenan efektivigon de la nuklea interkonsento, el kiu Usono eligi en 2018 trudante punojn kontraŭ la irana nacio.

Dum Teherano produktas duonan kilon da uranio riĝigita ĉiutage post rekomenci la riĝigon je nivelo de pureco je 20%, ege super 3,67% permesita de la interkonsento de 2015, la irana diplomatestro ree emfazis ke estis Usono kiu abandonis tiun interkonsenton, kaj se fakte la registaro de Irano evidentigis sian kapablon ĉin plenumi, nun estas la vico de Vaŝingtono tion fari, nuligante ĉiujn punojn.

“Kelkaj povus malfrui kelkajn tagojn aŭ semajnojn (ekiri), sed ne pli ol malfruiĝis Usono por starigi la dekretojn bezonatajn por funkciigi la petrolon, la bankan sistemon, transporton kaj aliajn sferojn, kiujn la prezidento Trump perfortis”, esprimis Zarif.

La usona ĉefsekretario Antony Blinken deklaris ke Irano povus esti je kelkaj semajnoj produkti sufiĉan materialon por krei nukleajn armilojn se ĉi daŭre ignoras la limigojn de la interkonsento.

Laŭ Blinken, Usono pretas ree submetiĉi al la preskriboj de la interkonsento de 2015 se Irano faras sian parton.

Fonto: RT

<https://www.radiohc.cu/eo/noticias/internacionales/246460-irano-petas-eu-kunordigi-kun-usono-por-repreni-la-nuklean-interkonsenton>



Radio Habana Cuba